

ԵՐԵՎԱՆԵՐԸ Ա ՄԵԴԻԱՆ

ՁԵՌՆԱՐԿ ՏՆՈՂՆԵՐԻ ԵՎ
ԽՆԱՄԱԿԱԼՆԵՐԻ ՀԱՄԱՐ



ԵՐԵՒԱՆԵՐԸ և ՄԵԴԻԱՆ

ՁԵՌՆԱՐԿ ԾՆՈՂՆԵՐԻ ԵՎ ԽՆԱՄԱԿԱԼՆԵՐԻ ՀԱՄԱՐ



Co-financed by the European Union
Connecting Europe Faculty



KANSALLINEN AUDIOVISUAALINEN INSTITUUTTI
NATIONELLA AUDIOVISUELLA INSTITUTET
NATIONAL AUDIOVISUAL INSTITUTE

ՏԵԶՍԸ՝ Աուդիովիզուալ ազգային ինստիտուտի՝ մեդիակրթության և աուդիովիզուալ մեդիայի բաժնի փորձագետների (MEKU)

Աուդիովիզուալ ազգային ինստիտուտի հրատարակություն, 2017թ.

ISSN 2342-5970, ISBN 978-952-68501-3-9 (nid.),
ISBN 978-952-68501-4-6 (PDF),
ISBN 978-952-68501-5-3 (EPUB)

Սույն հրատարակության պատասխանատվությունը բացառապես հեղինակին և
Է: Եվրոպական միությունը պատասխանատվություն չի կրում ձեռնարկում
ներառված տեղեկությունների որևէ նպատակով գործածման համար:

ԿՈՆՏԱԿՏԱՅԻՆ ՏԵՂԵԿՈՒԹՅՈՒՆՆԵՐ՝
Աուդիովիզուալ ազգային ինստիտուտ,
մեդիակրթության և աուդիովիզուալ
մեդիայի բաժին (MEKU),

Sörnäisten rantatie 25 A / PB 16, 00501, Հելսինկի,
ՖԻՆԼԱՆԴԻԱ
kavi.fi/meku

Անգլերեն այլ հրատարակություններ հասանելի են
հետևյալ հասցեով՝
kavi.fi/en/meku/publications

Սույն ուսումնամեթոդական ձեռնարկը թարգմանվել է Հանրային լրագրության ակումբի
«Ավելի անվտանգ առցանց միջավայր. Նախադպրոցական հաստատություններում մեդիագրագիտության
ուղղությամբ միջամտություն» ծրագրի շրջանակներում, որը ֆինանսավորվել է ԱՄՆ պետքարտուղարության
Հասարակայնության հետ կապերի գրասենյակի դրամաշնորհի շրջանակներում:

Այս ուսումնամեթոդական ձեռնարկում արտահայտված է հեղինակի դիրքորոշումը,
որի համընկնումը ԱՄՆ պետքարտուղարության դիրքորոշման հետ պարտադիր չէ:



Նկարագարողումը՝ Լուսինե Խանդիյանի
Էջադրումը՝ Ծովինար Խաչատրյանի

Բովանդակություն

Ընտանիքը՝ մեդիայի փոփոխվող աշխարհում	4
Առաջին քայլերը մեդիայի հետ.....	6
Տարիքային սահմանափակումները կախված են բովանդակության վնասակարությունից	8
Արդյո՞ք ճիշտ է	11
Մեդիա, ուսուցում և ժամանց	12
Մասնակցեք և փոփոխություն բերեք հենց սկզբից.....	14
Ինչպե՞ս անցավ օրդ	15
Սոցիալական մեդիան միավորում է մարդկանց	18
Ի՞նչ է քննադատական մեդիագրագիտությունը	20
ԱՐԴՅՈ՞Ք ԳԻՏԵԻՔ	20
ԱՐԴՅՈ՞Ք ԳԻՏԵԻՔ	21
Գաղտնիություն և տեղեկատվության անվտանգություն	22



Ընտանիքը՝ մեդիայի փոփոխվող աշխարհում

Այսօր մեդիան տեղեկություն ստանալու, սովորելու, մարդկանց հետ շփվելու, ժամանցի և զվարճանքի բազմատեսակ հնարավորություններից օգտվելու լավագույն միջոցն է: Մենք ապրում ենք այնպիսի մեդիամշակույթի պայմաններում, երբ տեղեկությունը տարածվում է արագ, և ամեն րոպե ծնվում ու անհետանում են նոր երևույթներ: Մեդիան մեծ դեր ունի նաև երեխաների կյանքում: Մեդիայի հետ կապված՝ երեխաների դաստիարակությունն առաջին հերթին պահանջում է ներկայություն՝ հետաքրքրության ցուցաբերում երեխայի կյանքի նկատմամբ և մեդիային առնչվող հարցեր քննարկելու պատրաստակամություն և կարողություն:

Թեպետ մեդիամշակույթը ենթարկվում է փոփոխությունների, երեխաներին մեծացնելու և կրթելու միջոցները հիմնականում մնում են նույնը: Երեխաներ ունեցող ընտանիքներում մեծահասակները պարտադիր չէ, որ լինեն փորձագետներ երեխաներին հետաքրքրող բոլոր մեդիաերևույթների հարցում: Ինչ վերաբերում է մեդիային, երեխաների դաստիարակությունն առաջին հերթին պահանջում է ծնողների ներկայություն, հետաքրքրության ցուցաբերում երեխայի կյանքին և մեդիային առնչվող հարցեր քննարկելու պատրաստակամություն ու կարողություն:

Վերջին քսան տարիներին հատկապես համացանցը մեծապես ազդել է աշխարհում կատարվող փոփոխությունների վրա: Օրինակ՝ սոցիալական մեդիան, էլեկտրոնային փոստը, թվային խաղերն ու սմարթֆոնները նշանակալիորեն փոխել են մեր մոտեցումները՝ սոցիալական շփման, ազատ ժամանակի և աշխատելու ձևերի շուրջ: Համացանցի շնորհիվ աշխարհը փոքրացել է. նորությունները, նոր հայտ-նագործությունները և հեռախոսային հավելվածները աշխարհի բոլոր անկյուններում հասանելի են դառնում գրեթե ակնթարթորեն: Համացանցից օգտվելու վերաբերյալ բազմաթիվ կարևոր հարցեր են տեղ գտել սույն ձեռնարկում:

«Երեխաները և մեդիան» ձեռնարկը հակիրճ ակնարկ է մեդիայի՝ որպես ընտանեկան առօրյայի մի մասի վերաբերյալ, այն ուսումնասիրում է երեխաների կողմից օգտագործվող մեդիաբովանդակությունը և դրա նշանակությունն առօրյայում: Բացի այդ՝ ձեռնարկը ներառում է օգտակար խորհուրդներ այն մասին, թե ինչպես քննարկել մեդիայի օգտագործումը ձեր ընտանիքում և գտնել դրա կիրառման ամենաարդյունավետ ճանապարհները:

Ինչ վերաբերում է մեդիային, երեխաների դաստիարակությունն առաջին հերթին պահանջում է ծնողների ներկայություն, հետաքրքրության ցուցաբերում երեխայի կյանքին և մեդիային առնչվող հարցեր քննարկելու պատրաստակամություն ու կարողություն:

Ոչ միայն հեռախոս, այլև ֆոտոխցիկ, համակարգիչ, խաղարկիչ, սվագարկիչ և տեսախցիկ:



Ի՞նչ է մեդիան

Մեդիաալիքների թվին են պատկանում ավանդական զանգվածային լրատվամիջոցները, ինչպիսիք են թերթերը, ամսագրերը, հեռուստատեսությունը և ռադիոն: Ի թիվս այլ սարքավորումների՝ ժամանակակից մեդիագործիքներ են համարվում նաև սվագարկիչները, ֆոտոխցիկները, խաղարկիչները, պլանշետները, էլեկտրոնային գրքերը, համակարգիչները և սմարթֆոնները:

Մեդիագործիքների միջոցով պատրաստվող, օգտագործվող և փոխանցվող բոլոր ուղերձները անվանում ենք մեդիա բովանդակություն: Սրա օրինակներ են տեքստային հաղորդագրությունները, ֆիլմերը, լուսանկարները, էլեկտրոնային գրքերը, հեռուստատեսային և ռադիո ծրագրերը, խաղերը, տարբեր ֆորումներում հաղորդագրությունները, լուրերը, բլոգային գրառումները և տեսանյութերը:

Գործիքներից և բովանդակությունից զատ՝ «մեդիա» բառը կարող է կիրառվել նաև որոշակի ոլորտի մասին խոսելիս, ինչպիսիք են, օրինակ, լրատվամիջոցները կամ ամսագրերի խմբագրությունները:

Այսօր մեդիայի տարբեր տեսակները և բովանդակությունները համատեղ են կիրառվում: Օրինակ՝ ամսագրի առցանց տարբերակը գրավոր և խմբագրված տեքստից բացի կարող է նաև ներառել լուսանկարներ, տեսանյութեր, ձայնագրություններ և ընթերցողների մեկնաբանություններ: Հետևաբար շատ կարևոր է իմանալ, թե ինչպես պետք է փնտրել և կարդալ տեղեկություններ և հաղորդագրություններ տարբեր ձևաչափերում: Սմարթֆոնը, հավանաբար, մեդիայի տարբեր ձևաչափերի և բովանդակությունների լավագույն համադրությունն է: Այն օգտագործվում է որպես հեռախոս, համակարգիչ, խաղարկիչ, սվագարկիչ, ֆոտո- և տեսախցիկ:

Առաջին քայլերը մեդիայի հետ

Ֆինլանդիայում բոլոր երեխաները ծնվում են՝ շրջապատված մեդիա մշակույթով: Երեխաներին տրամադրվող մայրության փաթեթը ներառում է մեդիա՝ պատկերագրող գրքի տեսքով: Տանը գործածվող մեդիա գործիքները և բովանդակությունները երեխայի միջավայրի մաս են կազմում, երբ նրանք սկսում են ներգրավվել ընտանիքի առօրյայում:

Չուտ զարգացման տեսանկյունից փոքր երեխային մեդիա անհրաժեշտ չէ: Սակայն, երեխաները, սովորաբար, սիրում են դիտել մանկական հեռուստատեսային ծրագրեր, խաղեր և այլ մեդիաբովանդակություն: Այս պարագայում արդեն մեծահասակների պատասխանատվությունն է որոշել, թե ինչն է հարմար ընտանիքի փոքրերի համար:


Մեծահասակները ուղղորդում են

Այլ մարդկանց հետ շփվելով՝ երեխաները զարգանում են: Դեմ առ դեմ շփման միջոցով տեղի ունեցող խոսքի զարգացումը կամ հույզերի կառավարումը չեն կարող փոխարինվել մեդիագործիքով: Օրինակ՝ մեդիան երբեք չպետք է լինի բարկացած երեխային հանգստացնելու հիմնական միջոցը: Ավելին՝ երեխաները չպետք է երկար ժամանակ մենակ մնան մեդիայի հետ: Նրանք սովորաբար ցանկանում են մեդիայից օգտվել ընտանիքի հետ միասին:

Ինչքան փոքր է երեխան, այնքան ավելի կարճատև, ավելի հասկանալի և հանգիստ պետք է լինի մեդիափորձառությունը: Նորածիններն ու մանկահասակ երեխաները հատկապես պետք է պաշտպանված լինեն մեդիայի շարունակական հոսքից և մեդիափորձառությունից, որոնք կարող են չափից լարված լինել նրանց տարիքի համար:



Մանկահասակ երեխաների աճին զուգընթաց զարգանում է բարդացված սյուժեով պատմություններ հասկանալու նրանց ունակությունը: Վառ երևակայությունը մեծացնում է հեքիաթների և արկածների նկատմամբ հետաքրքրությունը: Փաստը հորինվածքից տարբերելու ունակությունը զարգանում է, երբ երեխաները հասնում են դպրոցական տարիքին: Սակայն այս տարիքում նույնպես երեխաներն ունեն իրենց ընտանիքների հետ խաղաղ միջավայրում լինելու, ինչպես նաև քնի, մարզանքի, շարժվելու և խաղալու կարիք:



Մեղիայի տարբեր հերոսների և պատմությունների հետ իրենց նույնացնելու միջոցով երեխաները կարող են տարբեր հույզեր ունենալ, զգալ իրենց տարբեր հերոսների դերերում ու տարբեր իրավիճակներում և խորհել այն մասին, թե ինչն է ճիշտ, և ինչը՝ սխալ:

Մեղիան այսօրվա երեխաների մշակույթում

Մեծահասակները պետք է հիշեն, որ մեղիան կենտրոնական դեր ունի երեխաների մշակույթում այսօր: Մեղիայի տարբեր հերոսների և պատմությունների հետ իրենց նույնացնելու միջոցով երեխաները կարող են տարբեր հույզեր ունենալ, զգալ իրենց տարբեր հերոսների դերերում ու տարբեր իրավիճակներում և խորհել այն մասին, թե ինչն է ճիշտ, և ինչը՝ սխալ: Մեղիան կարող է կարևոր թեմա դառնալ այլ երեխաների հետ խաղերի և խոսելու ժամանակ: Այն երեխաներին ոգեշնչում է նկարել, երգել և ինքնարտահայտվել այլ եղանակներով: Այս առումով մեղիայի պատմությունները և հերոսները «միայն հեքիաթ» չեն, այլ հսկայական դեր ունեն երեխաների կյանքում:

ՉՐՈՒՅՑԻ ԹԵՄԱՆԵՐ ԶԵՐ ԸՆՏԱՆԻՔԻ ՅԱՄԱՐ

- Ի՞նչ իրավիճակներում եք օգտվում մեղիայից: Ո՞րն է հետ են ձեր ընտանիքի փոքրիկները օգտվում մեղիայից:
- Պարբերաբար իրականացվող գործողությունները և հստակ կանոնները երեխայի համար ստեղծում են ապահովության զգացողություն և հաճախ կանխում են անցանկալի ընտանեկան վեճերը: Ձեր ընտանիքը սահմանել է հստակ կանոններ, թե երբ է մեղիան թույլատրված, երբ՝ ոչ:
- Ինչպե՞ս է ձեր ընտանիքն ապահովում, որ տան մեղիա միջավայրը հարմար լինի ընտանիքի ամենափոքր անդամների համար:

Տարիքային սահմանափակումները կախված են բովանդակության վնասակարությունից

Չեռուստատեսային ծրագրերի, ֆիլմերի և թվային խաղերի համար սահմանված տարիքային սահմանափակումները նշանակում են, որ դրանց բովանդակությունը կարող է վնասակար լինել ձեր երեխայի զարգացման համար: Այդ սահմանափակումները որոշակի տարիքի երեխայի համար սոսկ խորհուրդներ չեն, ոչ էլ նշանակում են, թե որ տարիքային խմբի համար է այդ աուդիովիզուալ ծրագիրը նախատեսված: Տարիքային սահմանափակումները հիմնված են «Աուդիովիզուալ ծրագրերի մասին» ֆիննական ակտի վրա (Kuvaohjelmalaki, 710/2011), որի նպատակը երեխաների պաշտպանությունն է:

Ֆինլանդիայում տարածվող բոլոր ֆիլմերը, հեռուստատեսային ծրագրերը և թվային խաղերը պետք է կրեն տարիքային սահմանափակումների մասին ցուցումներ, որոնք կնշեն, թե ինչ վնասակար բովանդակության պատճառով է սահմանվում տվյալ սահմանափակումը: Այդ նշանները տեղադրվում են այնպիսի բովանդակության համար, որը կարող է սթրես առաջացնել, բռնության տեսարան կամ սեռական բովանդակություն կամ թմրանյութերի գործածման նկարագրություն պարունակել: Տարիքային սահմանափակումները պարտադիր իրավական ուժ ունեն, ինչը նշանակում է, որ աուդիովիզուալ ծրագրերը չեն կարող հանրորեն ցուցադրվել, վարձակալությամբ տրվել կամ վաճառվել նշված տարիքից ցածր անձանց:

Տարիքային սահմանափակումները հիմնված են «Աուդիովիզուալ ծրագրերի մասին» ֆիննական ակտի վրա, որի նպատակը երեխաների պաշտպանությունն է:

				
Suitable for all (in Finnish)	Suitable for 7 years and older	Suitable for 12 years and older	Suitable for 16 years and older	Forbidden under 18 years old
				
Suitable for all (in Swedish)	Contains violence	Contains sex scenes	May cause anxiety	Contains drug use

Տարիքային սահմանափակումներն օգնում են անվտանգ մեդիաբովանդակություն ընտրելու հարցում


Երեխաների աճի հետ զարգանում է ուժեղ ներգործություն ունեցող մեդիաբովանդակությունը հասկանալու և մշակելու կարողությունը: Երեխայի տարիքի և զարգացման մակարդակի համար վնասակար բովանդակությունը կարող է առաջացնել, օրինակ, քնի խանգարումներ կամ անհանգստություն:

Երեխայի զարգացման մակարդակը և տարբեր բովանդակությունների նկատմամբ զգայունությունը խիստ անհատական են: Այդ պատճառով տարիքային սահմանափակումները ճկուն են, և նշված տարիքային սահմանափակման տարիքից երեք տարի փոքր երեխան կարող է դիտել հրապարակավ ցուցադրվող աուդիովիզուալ ծրագիր ծանոթ մեծահասակի ներկայությամբ: Այս ճկունությունը չի ընդգրկում 18 տարեկանի սահմանափակումը: Որպես ինսամակալ՝ դուք ամենալավը գիտեք Ձեր երեխային և կարող եք վերահսկել նրա կողմից մեդիայի օգտագործումը:

Ի՞նչ կատեք համացանցի և սմարթֆոնների մասին

Տարիքային սահմանափակումներ սահմանված չեն բոլոր առցանց բովանդակությունների և սմարթֆոնների հավելվածների համար այնպես, ինչպես ֆիլմերի և խաղերի համար: Բացի այդ՝ Ֆինլանդիայից դուրս գործող ծրագրային ծառայությունները չեն ենթարկվում Ֆինլանդիայի տարիքային սահմանափակումների կանոնակարգերին: Որքան

Որքան լավ գիտեք ձեր երեխայի կողմից օգտագործվող ծառայությունները, այնքան լավ կարող եք գնահատել, արդյո՞ք դրանք հարմար են ձեր երեխայի համար:



լավ գիտեք ձեր երեխայի կողմից օգտագործվող ծառայությունները, այնքան լավ կարող եք գնահատել՝ արդյո՞ք դրանք հարմար են ձեր երեխայի համար: Երեխաների համար նախատեսված շատ կայքեր պարունակում են տեղեկատվական փաթեթ մեծահասակների և մանկավարժների համար, որն արժե կարդալ:

ԸՆՏԱՆԻՔՈՒՄ ԱՌԱՋ ԲԱԾՎՈՂ ՉԱՐՑԵՐ

- Նկատե՞լ եք տարիքային սահմանափակումներ կինոնկարների, հեռուստածրագրերի կամ խաղերի համար:
- Գիտե՞ք, որ տարիքային սահմանափակումը չի նշում այն տարիքը, երբ երեխաները կարող են խաղալ կամ դիտել բովանդակությունը, այլ ավելի շուտ նշում է, որ բովանդակությունը կարող է վնասակար լինել երեխաների համար:

ԱՐԴՅՈ՞Ք ԳԻՏԵԻՔ

S և **T** նշանները նշանակում են, որ աուդիովիզուալ ծրագիրը չի պարունակում սեռական կամ բռնություն պարունակող բովանդակություն, թմրամիջոցների օգտագործման նկարագրություն կամ երեխաների մեջ անհանգստություն առաջացնող բովանդակություն: Այնուամենայնիվ, **S** կամ **T** նշաններով նշված բովանդակությունը պարտադիր չէ, որ երեխաների համար նախատեսված լինի, հնարավոր է, որ այն նախատեսված լինի նաև մեծահասակների լսարանի համար:




Արդյո՞ք ճիշտ է

Երեխաներն իրավունք ունեն արտահայտվելու և տեղեկություն ստանալու բազմաթիվ աղբյուրներից: Նրանք չպետք է սահմանափակվեն միայն երեխաների համար նախատեսված մեդիայով: Քանի որ մեդիայի բովանդակության գերակշիռ մասը երիտասարդների և մեծահասակների համար է, դրանց պիտանիությունը երեխաների համար կարող է երբեմն կասկածելի լինել:

Մեր ընտանեկան կանոնները

Մեդիայի միջոցով երեխաները կարող են նաև բախվել ատելության խոսքի, սեռական պատկերների կամ սարսափելի լուրերի: Երեխաները կարող են նաև լսել և սովորել հայիոյանքներ կամ երկիմաստություններ, որոնք հնարավոր է ամբողջովին չընկալեն:

Մեդիաբովանդակության մեծ մասը չի համապատասխանեցվում ըստ տարիքային սահմանափակումների, և երեխաներին դա դիտել թույլ տալը կամ թույլ չտալը ծնողների լուծելիք հարցն է: Ընտանիքները տարբեր կարծիքներ ունեն, թե ինչն է պիտանի երեխաների համար:



Անհրաժեշտ է քննարկել մեդիայի օգտագործման լավ տարբերակները, և թե որն է ավելի հարմար երեխաների համար: Սա նաև երեխաների դաստիարակության կարևոր մաս է՝ մաքրել մեդիայից վերցրած խեղկատակությունները, ինչպես օրինակ՝ վնասակար մեդիա բովանդակության քննարկումը :

ԸՆՏԱՆԻՔՈՒՄ ԱՌԱՋ ԲԱՇՎՈՂ ՅԱՐՅԵՐ

- Ի՞նչ պետք է անել, երբ տհաճ, վախեցնող կամ անհանգստացնող բան եք տեսնում:
 1. Անջատել մեդիա սարքավորումները, որոնց վրա տեսել եք վախեցնող բաները:
 2. Պատմել այդ մասին մեծահասակին: Եկեք միասին գրուցենք այդ մասին և մտածենք, թե ինչ պետք է անենք դրա վերաբերյալ:
- Ո՞ւմ խորհուրդ կտաք ձեր նախընտրած շոուն կամ կայքը: Ինչո՞ւ:



Մեդիա, ուսուցում և ժամանց

Մեդիան կարող է օգտագործվել տարբեր նպատակներով՝ ուսմանն օժանդակելու և ժամանց կազմակերպելու համար: Բացի դպրոցական և նախադպրոցական կրթությունից՝ մեդիան նաև օգնում է մեզ սովորելու ազատ ժամանակ: Սովորե՛ք մեդիան օգտագործել, օրինակ, միասին տեղեկություն որոնելով: Մեդիայի օգնությամբ կարող եք գտնել հետաքրքիր թեմաների վերաբերյալ խորհուրդներ և ուսուցողական նյութեր, տեղեկություններ ձեր երեխաների սիրելի հայտնի մարդկանց մասին, կամ որոնել դասացուցակը, կամ ստուգել ֆուտբոլային խաղերի հաշիվները: Շատ երեխաներ տարբեր մեդիաներում գտնում են իրենց հետաքրքրող թեմաներով նյութեր:

Մեդիան օգնում է ժամանցը կազմակերպելուն

Մեդիան ինքնին կարող է լինել հոբբի, քանի որ այն մեզ հնարավորություն է տալիս, օրինակ, նվագելու, կարդալու, երաժշտություն լսելու և դիտելու ու պատրաստելու ֆիլմեր: Ավելին՝ համացանցը հիանալի տեղ է նույն հետաքրքրություններով այլ անձանց հանդիպելու համար:



Երեխաները ստեղծում են գվարճանքի համար տարբեր մեդիամիջոցներ: Տեսախցիկներն ու խմբագրման ծրագրակազմերը նախկինում քիչ էին հանդիպում և թանկ էին, բայց այժմ տարրական դասարանների գրեթե բոլոր աշակերտներն գրպաններում ունեն նկարահանման և ձայնագրման գործառույթներով սմարթֆոններ: Սարքերը սովորաբար այնքան հեշտ է օգտագործել, որ ընտանիքի նույնիսկ ամենափոքր անդամները գիտեն, թե ինչպես որոնել իրենց հետաքրքրող տվյալները կամ րատկերները:

Մեդիան կարող է օգտագործվել տարբեր նպատակներով՝ ումանը օժանդակելու և ժամանցը կազմակերպելու համար:

ԸՆՏԱՆԻՔՈՒՄ ԱՌԱՋ ԲԱՇՎՈՂ ՉԱՐՅԵՐ

- Ձեր երեխան գիտի՞, թե՛ ինչպես տեղեկատվություն որոնել համացանցում: Իմացե՛ք, թե ինչպես են որոնիչները աշխատում միասին:
- Ձեր ընտանիքը օգտվո՞ւմ է մեդիագործողություններից, օրինակ՝ ֆիլմեր դիտել, խաղեր խաղալ, լուսանկարել, բլոգներ վարել և այլն:
- Ի՞նչն է հոբբին հետաքրքիր դարձնում: Կա՞ մի բան, որ ձեր երեխան կցանկանա իմանալ իր հոբբի մասին: Ի՞նչ կարող է ձեր երեխան սովորեցնել ընտանիքի մնացած անդամներին հոբբի մասին:
- Որտե՞ղ կարող եք հանդիպել նույն հոբբիով հետաքրքրող այլ անձանց: Արդյո՞ք կան համացանցային ֆորումներ կամ իրական ակումբներ նույն հոբբիով հետաքրքրվող մարդկանց համար:



**Մասնակցե՛ք և
փոփոխությո՛ւն
բերե՛ք հենց սկզբից**

Մեդիան մասնակցելու և ազդեցություն ունենալու հարցում բազմաթիվ հնարավորություններ է ընձեռում:


Ակտիվ քաղաքացի լինելը միայն չափահասների համար չէ. երեխաները և երիտասարդները հավասարապես հասարակության անդամներ են:

Մեդիայի միջոցով երեխաները տեղեկություն են ստանում աշխարհի և իրենց շրջապատի վերաբերյալ և կարող են իրենց դիտարկումներն անել առօրյայի և տեղի ունեցող իրադարձությունների շուրջ: Մեդիայի միջոցով երեխաները կարող են արտահայտել իրենց մտքերը և շփվել մյուսների հետ:

Մեծահասակները ապահովում են երեխաների ներգրավվածությունը

Մեդիայի օգնությամբ երեխաները և երիտասարդները ավելի հեշտ են իրենց ձայնը լսելի դարձնում հասարակությունում, քան նախկինում:

Մեծահասակները մեդիայում պետք է գտնեն զվարճալի և հետաքրքիր որևէ բան երեխաների համար և նրանց ուղղորդեն մեդիայի ընտրության հարցում, որպեսզի նպաստեն նրանց ներգրավվածությանը, մասնակցությանը և փոփոխություն բերելու հնարավորությանը:



Մեծահասակները մեդիայում պետք է գտնեն զվարճալի և հետաքրքիր որևէ բան երեխաների համար և նրանց ուղղորդեն մեդիայի ընտրության հարցում, որպեսզի նպաստեն նրանց ներգրավվածությանը, մասնակցությանը և փոփոխություն բերելու հնարավորությանը:

Հասարակության մեջ ներգրավվածությունը և մասնակցությունը, ինչպես նաև հասարակության վրա ազդելու ցանկությունը հիմնված են լավ ինքնագնահատականի և սեփական կարծիքի կարևորությունը ըմբռնելու վրա: Ուստի հետաքրքրվե՛ք ձեր երեխայի գաղափարներով, հարցրե՛ք նրանց կարծիքը և խրախուսե՛ք նրանց տեղեկանալու ցանկությունը:

Ինչպե՞ս անցավ օրդ

Երեխաները խորհրդատվության և աջակցության կարիք ունեն, թե ինչպես վարվել մեդիայի հետ, ինչպես կյանքի ցանկացած այլ նոր հմտությունների դեպքում: Երբ ձեր երեխան ստանում է իր առաջին հեռախոսը կամ այլ կերպ սկսում է ինքնուրույն օգտագործել մեդիա, ժամանակն է ներկայացնել նրան մեդիայից օգտվելու հիմնական կանոնները:

Մեծահասակները օրինակ են ծառայում՝ ինչպես օգտվել մեդիայից

Երեխաների համար մեդիաօգտագործման լավ օրինակ է, երբ մեծահասակները հարգում են մեդիայի այլ օգտատերերին և պահպանում են գործող օրենսդրությունը և կայքի կանոնները: Մեդիայի ողջամիտ օգտագործման լավ օրինակ ծառայելը նույնպես կարևոր է: Երեխաները ընտանիքի ուշադրության կարիքն ունեն:

Երեխաները հնարավոր է տիրում են, երբ մեծահասակները շատ ժամանակ են հատկացնում մեդիային: Այսօր երեխաների լավ վարվելակերպ սովորեցնելու և նրանց դաստիարակության մաս է մեդիայի օգտագործման ժամանակի և վայրի ընտրությունը: Մեդիայի օգտագործման և այլ գործողությունների միջև հավասարակշռությունը հավասարապես կարևոր է երեխաների և մեծահասակների համար:

**Մեդիայի օգտագործման
և այլ գործողությունների
միջև հավասարակշռությունը
հավասարապես
կարևոր է երեխաների և
մեծահասակների համար:**



ԸՆՏԱՆԻՔՈՒՄ ԱՌԱՋ ԲԱՇՎՈՂ ՅԱՐՑԵՐ

Ինչպե՞ս վարվել



Թյուրըմբռնումները քիչ հավանական են դեմ առ դեմ հաղորդակցության ժամանակ՝ ի տարբերություն գրավոր հաղորդակցության, որոնցում դեմքի արտահայտություններն ու ժեստերը չեն երևում: Եթե ինչ-որ մեկին վիրավորել եք, ներողություն խնդրեք: Եթե ընկերոջ հաղորդագրությունից քեզ վատ ես զգում, ասա՛ նրան:



Ոչ բոլորն են ծիծաղում նույն բաների վրա:

Մի տարածք տիպ կամ վախեցնող հղումներ և պատկերներ, քանի դեռ համոզված չեք, թե ինչպես կարծազանք են մյուսները: Երեխաների համար արգելված պատկերներն ընդհանրապես չպետք է տարածվեն:

Ոչ ոքի մի՛ ավելացրեք արագ նամակագրության խմբերում կամ քննարկման ֆորումներում առանց նախապես թույլտվություն հարցնելու:



Մեդիայի օգտագործման համար կան ժամանակ և տեղ: Երբ պետք է օգտագործեք մեդիան, և երբ ոչ: Ո՞ր դեպքերում պետք է անջատեք ձեր սարքերը կամ դրանք անձայն ռեժիմի վրա դնեք:



Գիշերը հեռախոսները ճիշտ կլինի լուռ ռեժիմի վրա դնել: Մի՛ խանգարեք ձեր ընկերների քունը հաղորդագրություններով: Եթե ձեր հեռախոսը կամ այլ սարք ակտիվ է, ապա այն անջաստնյակից հանեք:



Գաղտնաբառերը գաղտնի են: Մի՛ տրամադրեք ձեր հեռախոսի PIN ծածկագիրը կամ վեր ծառայության գաղտնաբառերը այլ մարդկանց և մի՛ փորձեք ձեռք բերել այլոց գաղտնաբառերը:

Եթե որևէ մեկը ահաբեկում կամ անհանգստացնում է ձեզ առցանց կամ հեռախոսով, պետք է տեղեկացնեք մեծահասակներին: Ծառայություններից մեծամասնության կարգավորումներում հնարավոր է արգելափակել անցանկալի հաղորդագրությունները:

Ավելին՝ շատ ծառայություններ ունեն կարգավորող, որին կարող եք տեղեկացնել դրանց մասին:

Երբեք մի՛ ահաբեկեք մյուսներին:

Առանց թույլտվության նկարելը, ուրիշների մասին բամբասանքներ տարածելը, դասընկերոջը արագ նամակագրության խմբից հանելը ահաբեկման ձևեր են:



Եթե որևէ մեկը, որի հետ միայն առցանց եք շփվել, ցանկանում է դեմ առ դեմ հանդիպել ձեզ հետ, տեղյակ պահեք ձեր ծնողներին կամ խնամակալին:

Միասին կորոշեք՝ արդյոք արժե հանդիպել: Մեծահասակը պետք է ուղեկցի ձեզ առնվազն առաջին հանդիպման ժամանակ:






Սոցիալական մեղիան միավորում է մարդկանց

Այսօր դարոցական տարիքի գրեթե բոլոր երեխաները օգտվում են տարբեր սոցիալական ցանցերի ծառայություններից և բջջային հավելվածներից: Սոցիալական ցանցերի ծառայությունները համացանցի միջոցով են տրամադրվում, ինչը նշանակում է, որ դրանցից հնարավոր է օգտվել տարբեր սարքերով, ինչպիսիք են՝ համակարգիչները, դյուրակիր համակարգիչները, պլանշետները և սմարթֆոնները: Սոցիալական մեղիայով կարող եք տարածել տեքստեր, պատկերներ, տեսա- և լսանյութեր: Հատկապես տարածված են ծանոթներիս արագ հաղորդագրություններ ուղարկելու հավելվածները, ինչպես նաև տեսա ծառայությունները, որոնք հնարավորություն են ընձեռում տեսանյութերը առցանց դիտելու և դրանց վերաբերյալ մեկնաբանություններ թողնելու:

Կարիք չկա օգտվել այն բոլոր սոցիալական մեղիակայքերից, որոնցով ձեր երեխաները հետաքրքրված են, բայց կարևոր է իմանալ՝ ինչ ծառայություններից են նրանք օգտվում:



Կարիք չկա օգտվել այն բոլոր սոցիալական մեդիակայքերից, որոնցով ձեր երեխաները հետաքրքրված են, բայց կարևոր է իմանալ՝ ինչ ծառայություններից են նրանք օգտվում: Այդպես կարող եք սովորեցնել երեխային, թե ինչպես վարվել այս ծառայությունների հետ և հաշվի նստել ծառայությունների այլ օգտատերերի հետ: Սոցիալական մեդիայի որոշ ծառայություններ հիմնականում օգտագործվում են ընկերների հետ, մինչդեռ մյուսներում հաղորդագրությունները հանրային են, և լսարանը կարող է ներառել յուրաքանչյուրին: Փոխհարաբերությունների նոր եղանակները պահանջում են մարդկային հարաբերությունների նոր հմտություններ: Կարևոր է, որ երեխաները տեղյակ լինեն իրենց հաղորդագրությունների թիրախային խմբերի և դրանց ընդգրկվածության մասին:

ԸՆՏԱՆԻՔՈՒՄ ԱՌԱՋ ԲԱՇՎՈՂ ՅԱՐՑԵՐ

- Սոցիալական մեդիայի ի՞նչ տարբեր ծառայություններ գիտեք: Ի՞նչ նպատակով են դրանք օգտագործվում, և ինչո՞վ են տարբերվում միմյանցից:
- Ի՞նչ պետք է անել, երբ ցանկանում եք օգտագործել նոր առցանց ծառայություն կամ ծրագիր:
- Ո՞ւմ պետք է ընդունեք որպես ընկեր:
- Ինչպիսի՞ք բովանդակություն կարող եք կամ պետք է տարածել սոցիալական մեդիայով:
- Ինչպիսի՞ք բովանդակություն չպետք է տարածեք: Ինչպիսի՞ք բովանդակություն է արգելվում տարածել:



Ի՞նչ է քննադատական մեդիագրագիտությունը

Քննադատական մեդիագրագիտությունը ոչ թե հակադրվում, այլ, ավելի շուտ՝ հետաքրքրական, հետազոտական և հարցական մոտեցում է ցուցաբերում մեդիային: Երեխաները կարող են դա սկսել շատ վաղ տարիքից՝ ուսումնասիրելով մեդիայի բովանդակությունը ուրիշների հետ խորհելով մեդիայի ճշմարտացիության և դրա տեղեկատվական աղբյուրի մասին: Սրանք կարևոր խնդիրներ են, որոնք պետք է դիտարկվեն ամբողջ ընտանիքի համար, քանի որ մեդիան նաև առաջարկում է բազմաթիվ տեղեկություններ, մեծ մասը՝ կողմնակալ կամ կեղծ: Երբ մենք ավելի լավ ենք ընկալում մեդիան, կարող ենք այն ավելի լավ օգտագործել և բավականություն ստանալ:

Քննադատական մեդիագրագիտությունը ոչ թե հակադրվում, այլ, ավելի շուտ՝ հետաքրքրական, հետազոտական և հարցական մոտեցում է ցուցաբերում մեդիային:

ԱՐԴՅՈՒՔ ԳԻՏԵԻՔ

Գովազդները պետք է ճանաչելի լինեն որպես այդպիսին: Ֆինլանդիայում եթե հեռուստատեսային ծրագիրը հովանավորվում է կամ պարունակում է վճարովի ապրանքի գովազդ, դրա մասին պետք է նշվի: Ապրանքանիշը ենթադրում է արտադրանքի ներկայացում հեռուստաշոուում:

Առևտրայնությունն ու գովազդը քննադատական գնահատման համար կարևոր սուբյեկտներ են: Այսօր ավելի ու ավելի շատ գովազդներ ուղղված են երեխաներին, և երեխաները մասնակցում են ընտանիքի սպառողական ընտրություններին: Գովազդները գայթակղիչ են, և երեխաները նոր են սկսում հասկանալ փողի արժեքը: Շատ թվային խաղեր ներառում են այն իրերը գնելու հնարավորությունը, որոնք հեշտացնում են խաղի մեջ հաջողության հասնելը: Կարևոր է ընտանիքի հետ խոսել գովազդի և փողի մասին:

ԱՐԴՅՈ՞Ք ԳԻՏԻՔ

Ձեր երեխան պատահաբար առցանց գնումներ կատարե՞լ է: Երեխաներին ուղղված գովազդն անպատե՞հ է:

Կարդալ ավելին «Երեխաները որպես սպառող» կայքից, որը պատրաստվել է Ֆինլանդիայի մրցույթի և սպառողների մարմնի կողմից:



ԸՆՏԱՆԻՔՈՒՄ ԱՌԱՋ ԲԱՇՎՈՂ ՉԱՐՑԵՐ

Փա՞ստ, թե՞ հորինվածք: Մեդիա օգտագործելիս պետք է հաշվի առնել՝ ինչն է մեդիա բովանդակության մեջ ճիշտ, և ինչը՝ սխալ: Երեխաների համար գուցե ավելի հեշտ է հասկանալ, որ անիմացիոն (շարժապատկերային) ծրագրերը, օրինակ, հորինվածք են, բայց ավելի բարդ է, եթե ծրագիրը նման է «իրական կյանքի»:

Կարո՞ղ եք վստահել դրան: Աղբյուրի քննադատություն կա տեղեկության հուսալիության գնահատում կարելի է կիրառել հետևյալ հարցերը տալով՝ սա փա՞ստ է, թե՞ որևէ մեկի կարծիք: Այս տեղեկությունը հնարավոր է գտնել այլ աղբյուրներից: Տեղեկությունը արդիակա՞ն է, թե՞ ավելի թարմ տեղեկություններ կան:

Ի՞նչ է մեդիան փորձում հայտնել: Մեդիաբովանդակությունը միշտ հեղինակների ընտրության արդյունքն է: Նպատակը կարող է լինել տեղեկություն փոխանցելը, մարդկանց ծիծաղեցնելը կամ նրանց համոզելը գնել տարբեր ապրանքներ: Կարող եք սովորեցնել ձեր երեխային ճանաչել մեդիայի տարբեր ձևերը:

Ձեր երեխան ճանաչո՞ւմ է գովազդը փողոցում, կայքում, թերթում, ամսագրում կամ հեռուստատեսությունում:

Ձեր երեխան գիտի՞, որ որոշ կայքերում, խաղերում կամ ծառայություններում իրական փող է օգտագործվում: Ինչպիսի՞ կանոններով եք առաջնորդվում ձեր ընտանիքում գումարը առցանց և խաղերում օգտագործելու վերաբերյալ:

Գովազդի նպատակը արտադրանքը գրավիչ դարձնելն է: Ի՞նչ տարբերություն ինչ-որ բան ցանկանալու և կարիքի միջև: Չհարավո՞ր է ձեռք բերել այն ամենը, ինչ ցանկանում եք:

Միասին ուսումնասիրե՞ք նորությունների լուսանկարներ և այլ պատկերներ: Ի՞նչ է ցուցադրում պատկերը: Ի՞նչը կարող էր դուրս մնացած լինել շրջանակից: Լուսանկարները միշտ վստահելի՞ են: Պատկերներից մի քանիսը որոշակիորեն խմբագրվա՞ծ են:

Գաղտնիություն և տեղեկատվության անվտանգություն


Առցանց ծառայությունները, օրինակ, սոցիալական ցանցերի պրոֆիլներից իրենց օգտատերերի մասին տվյալներ են հավաքում: Օգտատերերը իրենք են շատ տեղեկություններ տրամադրում՝ մասնակցելով տարբեր թեստերի կամ մրցույթների: Այս տեղեկություններն օգտագործվում են ավելի թիրախային գովազդ իրականացնելու կամ օգտագործողի փորձը բարելավելու համար:

Յոգ տարեք ձեր տեղեկությունների մասին

Սիալ օգտագործման ռիսկը մեծանում է սոցիալական մեդիա ծառայություններում անձնական տեղեկության հրապարակման, ինչպես նաև տարբեր առցանց բազաներում անձնական տվյալների պահման միջոցով: Անձնական տվյալների գողությունը՝ որպես խաբեության ձև, վերջին տարիներին ավելի ու ավելի է տարածվել: Անձնական տվյալներ գողացող անձինք ներկայանում են այլ անունով սոցիալական ցանցերում կամ առցանց գնումների կայքերում:

Ձեր անձնական տվյալների անվտանգության ապահովումը շատ կարևոր է: Երբ իմանաք ռիսկերի մասին, ավելի հեշտ կլինի ինքնապաշտպանվել:

Ձեր երեխայի հետ ծանոթացե՛ք առցանց ծառայությունների գաղտնիության կարգավորումներին և ստուգեք, թե որ անձնական տեղեկությունները կարելի է թույլ տալ, որ ծառայությունները հրապարակեն:



ԸՆՏԱՆԻՔՈՒՄ ԱՌԱՋ ԲԱՇՎՈՂ ՅԱՐՑԵՐ

- Եթե ձեր երեխան առցանց ծառայության պրոֆիլ ունի, Ի՞նչ տեղեկություն է ցուցադրվում հրապարակավ: Ի՞նչ է ցուցադրվում ընկերներին: Յանրության համար հասանելի տեղեկությունը նվազագույնի՝ հասցրեք:
- Ինչպիսի՞ տեղեկություններ են ձեր օգտագործած հավելվածներն ու սոցիալական մեդիա ծառայությունները հավաքում օգտատերերից: Յնարավո՞ր է արդյոք փոխել դրանք՝ կարգավորումների միջոցով:
- Արդյո՞ք ընտանիքի անդամի վճարման քարտը կցված է ձեր երեխայի կողմից օգտագործվող սարքին կամ օգտատիրոջ հաշվին: Եթե այո, ստուգելով սարքի կամ օգտատիրոջ հաշվի կարգավորումները, համոզվե՛ք, որ երեխան չի կարող առցանց գնումներ կատարել առանց pin ծածկագրի:



Սույն ուսումնամեթոդական ձեռնարկը թարգմանվել է
Հանրային լրագրության ակումբի «Ավելի անվտանգ առցանց միջավայր.
Նախադպրոցական հաստատություններում մեդիագրագիտության ուղղությամբ
միջամտություն» ծրագրի շրջանակներում,
որը ֆինանսավորվել է ԱՄՆ պետքարտուղարության
Հասարակայնության հետ կապերի գրասենյակի
դրամաշնորհի շրջանակներում:

Այս ուսումնամեթոդական ձեռնարկը տարածելիս
Հանրային լրագրության ակումբին հղում կատարելը պարտադիր է:

ՀԼԱ կոնտակտային տվյալներ՝

Կայք՝ <https://pjc.am/>

Էլ. հասցե՝ info@pjc.am

Հեռ.՝ +37412 755898, +37499 755 89